



Abstre

Guillaume Samson

Pôle Régional des Musiques Actuelles de La Réunion (PRMA)

Bann divers laform kontanporen sega dan bann zil kreol Losean Endyen

Depi bann lannen 60, sega in aport en miltitid varyan stilistik ki temwanny bann manipilasyon senbolik e idantiter ki in gannyen. : sega modern an kontrast avek sa ki nou apel bann form tradisyonnèl, disko sega, bollywood sega, sege, ségazz... Bann dinamik ladaptasyon ek apropiyasyon ki vin dan sa bann varyan stilistik (ki kontraste avek bann laform swadizan tradisyonnèl) pou ganny analize dan kad bann retoube politik, ekonomik e idantiter ki vin evidan dan difizyon sa bann laform lanmizik dan bann zil kreol Losean Endyen, pli partikilyerman, Moris ek Larenyon.

Rol ki prodiksyon fonografik in zwe, bann spektak vivan, e pli resaman, enskription lo lalis UNESCO pour Patrimwann Kiltirel (maloya Renyonnen, sega tipik Morisyen, sega tanbour Rodrige...) pou ganny egzaminen a fon. Sega, ki ozordi i annan en gran marse difizyon rezyonnal (Larenyon, Moris, Rodrig ek Sesel), i antrenn en kolaborasyon regilye ant bann profesyonnel ek mizisyen sa bann zil. Sa i an retour, kontribye anver konstriksyon en lekspresyon mizikal 'trans' oubyen 'enter-rezyonnal', kot bann partikilarite ensiler i swa ganny efase (o profi bann marker entre-zil), ouswa zot ganny met an valer lo marse piblik e lokal. Se dan sa loptik ki nou oule montre ki prosesis kreolizasyon mizikal sega pe a ler aktyel, antrenn en negosyasyon permanan ant, en kote, divers laspirasyon idantiter e politik, e lot kote, en lekonomi mizikal ki rezyonal, e ki kondisyonn lekspresyon sega e fason ki i ganny akeyir, lo lesel enter-zil.

Sa prosesis kontanporen dan kreasyon mizikal i lye avek sirkilasyon kiltirel enter-rezyonal, e mondyalizasyon – e pour fini kont, zot pou ganny resitye dan en listwar pli global bann laform lanmizik kreol dan Losean Endyen, ki egziste depi peryod kolonyal. Pli partikilyerman, i pou neser pour idantifye bann kontinite e/ oubyen riptir, ki nou'n kapab obzerve dan listwar sega ek bann lezot laform lanmizik dan sa zanr.

